

首風

附頭暈頭痛

心脾痛

腹痛

中氣虧損心眩

腹鳴

脊痛

脇痛

膝腫

鶴膝風

脚

脚發

脚弱

諸氣

疝癰

不寐

多夢

消中

名醫類案 卷六

名醫類案卷第六

新都篁南江瓘集

後學

仁和余錢塘魏之璠玉橫
仁和沈煥數曾重校
欽鮑廷博以文

首風

附頭暈頭痛

舊川王病召臣意診脉曰蹶上為重頭痛身熱使人煩懣臣

意即以寒水拊其頭刺足陽明脉左右各三所病旋已病

得之沐髮未乾而臥診如前所以蹶頭熱至肩史記○又見尸蹶門

魏王操苦頭風作輒心亂目眩華佗針膈膈上痰隨手而愈魏志

有人每頭眩則頭不得舉目不能視積年華佗悉解其衣且

倒懸頭去地者三寸以濡布拭體令周匝視諸脉盡出五色仍命其徒以鉞刀決脉五色盡視赤血出乃下膏摩被覆汗出周匝以葶藶散飲之旋愈

三國志

一人稚年氣弱於氣海三里穴時灸之及老成熱厥頭痛雖嚴冬喜朔風吹之其患輒止少處煖及近烟火其痛輒作此灸之過也東垣治以清上瀉火湯尋愈

一婦人疇昔有脾胃之症煩躁間顯胸膈不利而大便秘結時冬初外出晚歸爲寒氣拂鬱悶亂大作此火不得伸故也醫漫投疎風丸大便行而其患猶爾繼疑藥力微益以七八十丸下兩行而其患猶爾且加吐逆食不能停痰甚

稠黏而湧吐不已、眼黑頭旋、心惡煩悶、氣促上喘、無力心
神顛亂、兀兀不休、口不欲言、目不欲開、如坐風雲中、虛頭
痛難堪、身若山重、溼四肢厥冷、寒寢不能安、夫前証胃氣
已損、復兩下之、則重虛其胃、而痰厥頭痛作矣、以白朮半

夏天麻湯

方載
丹溪

近代曹州觀察判官申光遜言、家本桂林、有官人孫仲敖、寓
居于桂、交廣人也、申往謁之、延於臥內、冠簪相見、曰、非慵
於巾櫛也、蓋患腦痛爾、卽命醇酒升餘、以辛辣物、泊胡椒
乾薑等屑、僅半杯、以溫酒調、又於枕函中取一黑漆筩、如
今之笙項、安於鼻竅、吸之、至盡、方就枕、有汗出表、其疾立

愈蓋鼻飲蠻獠之類也。玉堂閒話

羅謙甫治栢叅謀年踰六旬春患頭痛晝夜不得休息詢其由云近在燕京初患頭昏悶微痛醫作傷寒解之汗後其痛彌篤再汗之不堪其痛矣。虛遂歸每過郡邑必求治療醫藥大都相近至今痛不能臥且惡風寒而不喜飲食羅診之六脉弦細而微氣短促懶言語內經云春氣者病在頭年高氣弱清氣不能上升頭面故昏悶爾且此症本無表邪汗之過多則清陽之氣愈受虧損不能上榮亦不得外固所以頭痛楚而惡風寒氣短弱而憎飲食以黃芪錢半人參一錢炙甘草七分白朮陳皮當歸白芍各五分升

麻柴胡各三分。細辛、蔓荊子、川芎各二分。名之曰順氣和

中湯。食後進之一飲而病減。再飲而病却。

定方君臣佐使之妙可以類推

呂元膺診一貴者。兩寸俱浮弦。夫浮爲風。弦爲痛。且兩寸屬

上部。告之曰。明公他無所苦。首風乃故病也。蓋得之沐而

中風。當發先一日。則劇。劇必吐而後已。渠曰。然。余少年喜

沐。每迎風以晞髮。故頭痛之疾。因之而起。誠如公言。乃製

龍腦芎犀九遂瘳。

戴人治一婦。頭偏痛五七年。大溲燥。結雙目赤腫。眩暈。實凡

療頭風之藥。靡所不試。且頭受針灸無數。戴人診之急數

而有力。風熱之甚也。此頭角痛。是三焦相火之經。乃陽燥

金勝也。燥金勝肝。則肝氣鬱。肝氣鬱。則氣血壅。氣血壅。則上下不通。故燥結於中。尋至失明。以大承氣湯投之。入河水煎二兩。加芒硝一兩。頓使飲三五服。下泄如湯。且二十餘行。次服七宣丸。神功丸。以潤之。蒺藜菜猪羊血。以滑之。三劑外。目豁首輕。燥澤結釋而愈。按此所以治之症。旣已多年不解。豈非風溼熱三氣鬱滯膠固而然耶。故其所施之法。雖峻。而於中病之情。則得也。

祝仲寧治耿祭酒病。頭暈。翕翕發熱。浙浙惡寒。醫以爲感冒。投辛甘發汗之劑。汗出不已。腹滿作渴。讖語發癎。醫繼以爲暑所中。祝曰。此非一時寒暑可致。乃積溼熱在足陽明。

太陰經故疹乃見。投以除溼熱補脾胃瀉陰火之劑。尋愈。
秦鳴鶴侍醫也。高宗苦風眩頭重。目不能視。召鳴鶴診之。鶴
曰。風毒上攻。若刺頭出少血。卽愈矣。實太后自簾中怒曰。
此賊可斬。天子頭上。豈試出血處耶。上曰。醫之議病理也。
不加罪。且吾頭重悶甚。苦不堪。出血未必不佳。命刺之。鳴
鶴刺百會及腦戶出血。腦戶禁刺。非明眼明手不能。上曰。吾眼明矣。言
未竟。后自簾中稱謝曰。此天賜我師也。賜以繪寶。

裕陵傳王荊公偏頭痛。禁中秘方。用生萊菔汁一蜺殼。仰臥
注鼻中。左痛則注之右。右痛則注之左。或注之左右皆可。
數十年患。皆二注而愈。荊公云。曾愈數人矣。

俞子容治一婦人年踰五旬病頭痛歷歲浸久虛有治以風

者有治以痰者皆罔效脉之左沉寸沈遲而芤曰此氣血

俱虛也用當歸二兩附子三錢一飲報效再飲其病如失

薛已治尚寶劉毅齋怒則太陽作痛虛用小柴胡加茯苓山

梔以清肝火更用六味以生腎水更不復作

一人舊服芎藭醫鄭叔能見謂之曰芎藭不可久服多令人

暴亡後其人無疾而卒又一婦以腦風而久服芎藭其死

亦如之張杲云此二事皆渠所目擊者筆談

潔古治一人病頭痛舊矣發則面頰青黃厥陰暈眩目嘯張而

口懶言似虛體沉重太陰且兀兀欲吐此厥陰肝太陰脾合

病名曰風痰頭痛。

痰以局方玉壺丸治之。更灸俠溪穴。

足少

陽胆
穴尋愈

子和治一僧頭熱而痛。且畏明。以布圍其顛上。置冰於其中。

日數易之。此三陽畜熱故也。

熱

乃灼炭火於煖室。出汗。涌吐。

三法併行。七日而瘥。

一婦人患偏頭痛。一邊鼻塞。不聞香臭。常流清涕。或作臭氣。

一陣。治頭痛之藥。靡所不試。罔效。人莫識其病。有以爲腦。

癰者。一醫云。但服局方芎犀丸。不數十服。忽作噎涕。突然。

出一涎稠膿。疾愈。

一人患頭風。自頤下左右。有如兩蚯蚓徐行入耳。復從耳左。

右分上頂。左過右。右過左。頂上起疙瘩二塊。如猪腰然。前

後腦如鼓聲。皦皦然。冷痛甚。須重綿帕包裹。疼甚。四肢俱

不爲用。

冷痛疼甚。四肢不爲用。似乎虛寒。症不知屬乎實毒。須細心臨症。

醫效罔奏。後得

一方。用四物各一錢。皂角刺一錢。萆薢四兩。猪肉四兩。作

一服水六碗。煎四碗。去查。其藥汁併肉。作三四次服。服至

二十劑。減十之三。四十劑。減十之六。百劑乃安。愚詳此證。

非頭風也。其人曾患微瘡。頭塊墳起。皆輕粉結毒。故萆薢

爲君。

用萆薢。非熟讀本草。不知其妙。

四物養血。皂刺爲引。用多服。取效也。

江篁南治從嬪年四十。冬月產後。以傷寒發熱。自汗。兩太陽痛。上連於腦。徹痛甚。日夕呻吟。不得安寢。以補中益氣湯。

加蔓荊子。川芎。當歸。細辛。少許。一服痛減。再服乃安。

翟文炳治陸母年七十。頭響耳鳴。項疼目眩。面麻腮腫。齒蘇。唇燥。口苦舌強。咽腫氣促。心驚膽怯。胸滿痰滯。脇腫腰痛。足軟膝疼。已二年矣。近一月來。至不得眠。惟人扶而坐。稍欹臥。卽垂絕。翟診視。知氣挾肝火。而然。先與抑青丸一服。卽時熟睡。醒後諸症如失。仍服補中益氣調理而痊。

程文彬治一婦人患頭風。雖盛暑必以帕蒙其首。稍止。畧見風寒痛不可忍。百藥不效。蓋因腦受風寒。氣血兩虛。氣不能升。故藥不效。令病人口含冷水。仰臥。以生薑自然汁少許灌入鼻中。其痛立止。妙法遂與防風羌活藁本。川芎。甘草。

數服而愈。

江少微每治火症頭痛。用白蘿葡心自然汁。王荆公法吹入鼻中。

卽止。有兼眼目不明者。加雄黃細末調勻。如左患滴右耳。

右患滴左耳。又有頭風兼脊骨痛者。用活龜一個。用新瓦

二片。置龜於中。四圍鹽泥固濟。烈火煨出青烟爲度。待冷。

去腸殼。用四足併腹肉。入小口餅封固。如遇此症。先吹蘿

葡汁。次以龜末吹入鼻。卽愈。妙方又予每勞役失飢。則額頭

痛。用補中益氣湯立愈。

心脾痛

卽胃脘痛

琇按是症多有肝木挾火上乘干胃時。師不察類以香燥投之。暫愈復作。致成。關格勞瘵者多矣。

東垣治一婦人重娠六個月冬至因慟哭口吸風寒忽病心痛不可忍。渾身冷氣欲絕。曰此乃客寒犯胃。故胃脘當心而痛。急與草豆蔻、半夏、乾生薑、炙甘草、益智仁之類。或曰半夏有小毒。重娠服之可乎。曰乃有故而用也。岐伯曰有故無損。故無損也。服之愈。

羅謙甫治江淮漕運使崔君長子年二十五體豐肥奉養膏粱時有熱證友人勸食寒涼物因服寒藥至元庚辰秋病瘧久不除醫投以砒霜等藥新汲水送下禁食熱物瘧病不除反加吐利脾胃復傷中氣愈虛腹痛腸鳴時復胃脘當心而痛屢易醫罔效至冬還家百療不瘥延至四月間

瘧病

久因勞役煩惱前症大作羅診之脉弦細而微弦主痛微細則

爲虛

手足稍冷面色青黃而不澤情思不樂惡煩冗食少

微飽則心下痞悶嘔吐酸水發作疼痛冷汗時出氣促悶亂不安須人頰相抵而坐少時易之內經云中氣不足洩爲之變腸爲之苦鳴下氣不足則爲痿厥心急又曰寒氣客於腸胃之間則卒然而痛得炅則已炅者熱也非甘辛大熱之劑則不能愈乃製扶陽助胃湯方以炮乾薑錢半人參豆蔻仁炙甘草官桂白芍各一錢陳皮白朮吳茱萸各五分黑附子炮去皮二錢益智仁五分作一服水三盞薑三片棗二枚食前溫服三服大勢皆去痛減過半至秋

先灸中脘三七壯。以助胃氣。次灸氣海百餘壯。生發元氣。滋榮百脉。以還少丹服之。則善飲食。添肌肉。潤皮膚。明年春灸三里二七壯。乃胃之合穴也。亦助胃氣。又引氣下行。春以芳香助脾。復以育氣湯。加白檀香平治之。戒以懲忿。窒慾。慎言節食。一年而平復。

滑伯仁治一婦人。盛暑洞泄。裏厥逆惡寒。表胃脘當心而痛。

自腹引脇。轉爲滯下。嘔噦不食。醫以中暑霍亂療之。益劇。

脉三部俱微短沉弱。不應呼吸。曰。此陰寒極矣。不亟溫之。

則無生理。舍時從症內經雖曰用熱遠熱。又曰有假其氣。則無

禁也。於是以薑附溫劑三四進。間以丹藥。脉稍有力。厥逆

漸退更服薑附七日衆症悉去遂以丸藥除其滯下而安

先固其原
乃攻其邪

丹溪治一人以酒飲牛乳患心疼年久飲食無礙非大虛寒雖盛

暑飲食身無汗身無汗而大便或秘結非寒可知醫多以丁附治之羸弱

食減每痛以物挂之脉遲弱弦而濇遲弱似虛寒弦主痛濇屬血虛若但主脉

而不合症則用丁附矣大便或秘結或泄有飲又苦吞酸時七月以二

陳湯加芩連白朮桃仁郁李仁澤瀉每旦服之屢涌出黑

水若爛木耳者服至二百餘貼脉濇漸退至數漸添純弦

而漸充滿時冬煖意其欲汗而血氣未充以參芪歸芍陳

皮半夏甘草服之痛緩每旦夕一二作乃與麻黃蒼朮芍